



平陽府志卷之二十

宦績

左氏載子產相鄭事聲施爛然彪炳春秋矣及觀史記  
列傳乃僅第之循吏漢代吏治莫盛於孝宣之世而班  
固傳循吏自景及宣才得六人六人之中黃霸位至丞  
相朱邑至大司農皆顯秩也而傳顧紀其爲守若令時  
治行獨詳蓋循吏若斯之難也向使忠信之長慈惠之  
師與庸碌同湮後來者其奚勸與考自三代以來嘗官  
斯土而德功卓卓可述者著其姓氏與其爵里繫以事

實俾後之人有以觀焉作政績志

歷代循良

周郤犇

缺之從子晉景公時為大夫食邑襄陵與郤至郤錡號為三郤俱有才辯傳稱犇為使有禮謀事有智臨戎有文縣祀名宦

羊舌盼

字叔向晉之公族也世為大夫事悼公平公昭公食邑于楊習于禮而勇于義以直聞于諸侯雖不專任晉國而晉之執政皆訪之而後行晉國賴焉楊即洪洞縣祀名宦

胡衍

秦伐蒲蒲守恐請衍為蒲衍謂鄂里子曰攻蒲為魏則善為秦則不可請釋勿攻以德魏君於是遂解去

漢季布

楚人為河東守文帝召為御史大夫弗果用布進陳其所以帝曰河東吾股肱郡故特召君耳

番係

九江人為河東太守武帝元朔五年遷為御史大夫嘗言穿渠引汾溉皮氏汾陰下引河溉汾陰蒲坂下度可得五千頃

田延年

字子賓陽陵人昭帝時為河東太守遷拔尹翁歸等誅鉏豪強奸邪不敢發入為大司農

黃霸

字次公陽夏人少學律令為河東均輸長以廉察稱

周堪

字少卿與蕭望之受遺詔輔政元帝即位拜光祿大夫領尚書事數燕見言治亂事石顯憚之數于上前譖毀遂左遷為河東太守未幾因日食復召堪復其位

趙護

為河東都尉成帝時廣漢盜起拜為太守擊平之

蕭咸

字子仲蘭陵人太傅望之子元帝時為河東太守有政績數增秩賜金官至大司農

甄尊

字少公杜陵人為河東太守二歲成帝建始三年遷為京兆尹

杜詩 河內人光武時為河東太守平逆賊楊異等有功

焦贖 山陰人河東太守以楚王英連及卒于塗妻子繫獄諸生故人皆改名避禍弟子鄭弘詣關訴寃得釋送喪及妻子還鄉里弘由是亦顯名

劉祐 字伯祖安固人桓帝時為河東太守時屬邑令長多中官子弟百姓患之祐到郡黜治權豪伸平抑滯政為三河最累遷至尚書令

趙岐 字邠卿長陵人桓帝時舉理劇為皮氏長抑強討奸大興學校甚著能聲會河東守劉祐去郡而中常侍左悺兄勝代之岐恥屬宦官即日西歸有孟子註行於世祀名宦

史弼 字公謙考城人靈帝時為河東太守被詔書當舉孝廉弼知多權貴請托乃豫勅斥絕書屬中常侍候覽遣諸生齋書請之并求假鹽稅積日不得通乃說以他事謁弼而因達覽書弼大怒曰太守忝荷重任當

選士報國爾何人而偽詐無狀命左右引出捶楚數百府丞掾吏千餘人皆諫于廷弼不對遂付安邑獄即日考殺覽怒誣弼誹謗檻車徵入吏民詣關訴之後得免歸田里杜門不出

陳寔 字仲弓潁川許人司空黃瓊辟選補聞喜長恬靜不擾百姓安之祀名宦

王邑 字文都涇陽人獻帝時為河東太守帝為李淮郭汜所急御牛車幸安邑邑以綿帛為獻悉贖公卿以下後封邑為列侯

呂虔 字子洛伍城人有膽畧曹操在兖州以為從事時襄陵校尉杜松部民吳母等作亂命虔代松討之虔誘其渠魁殺之撫其餘眾賊悉平

杜畿 字伯侯杜陵人為西平太守曹操既定河北高幹舉并州反時河東人衛固范先外以請邑為名內實與幹通謀曹操謂荀彧曰河東被山帶河四隣多變當今天下之要地也君為我舉蕭何寇恂以鎮之彧曰

杜畿其人也于是拜畿爲河東太守固與高幹張盛攻畿不下畧諸縣無所得會大兵至幹盛敗固等伏誅其餘黨皆赦之使復其居業是時郡縣皆殘破畿崇寬惠與民休息有以詞訟來者畿陳大義諭歸曰爾諦思之若意有所不盡更來詣府鄉邑父老自相責怒曰有君如此奈何不從其教自是詞訟甚少頒下屬縣舉孝子貞婦順孫復其徭役隨時慰勉之課民畜犍牛草馬下逮鷄豚犬豕皆有章程百姓勤農家給人足畿曰民富矣不可不教也于是冬月修戎講武又開學宮親執經教授郡中化之郡有樂詳少好學畿署詳文學祭酒使教後進河東學業大興韓遂馬超之亂弘農馮翊多舉縣邑以應之河東接壤民無異心操征漢中遣五千人運運者自勉曰人生有一死不可負我府君無一人逃亡者將軍劉勲操所親貴勢震朝廷嘗往畿求大棗畿以書拒之後勲誅操得書歎曰杜畿可謂不媚于竈者也稱畿功美以下州郡曰吾亦冀衆人仰高山景行也及操西征夾渭爲軍軍食皆仰河東及賊破餘蓄二十餘萬斛操下令曰河東太守杜畿孔子所謂禹吾

然矣增秩二千石又令曰昔蕭何定關中寇恂平河內卿其有功間將授卿以納言之職念河東吾股肱郡克實之所足以制天下故且煩卿卧鎮之畿在河東一十六年常爲天下最丕嗣王位賜爵關內侯徵爲尚書初畿在郡時被書錄寡婦是時他郡或有自相配嫁依書皆錄奪啼哭盈路畿送寡婦甚少趙儼代畿而所送爲多丕問畿前君送何少今何多也畿曰臣所錄皆亡者妻今儼送者生人婦也不及左右顧而失色及儼祚進封豐樂亭侯邑百戶

賈逵 字梁道魏絳邑長郭援急攻河東城將潰絳父老與援約不害逵援捕得逵逵不肯拜援怒促斬之諸將覆護乃幽土窖中使人固守有憐其守正危厄乃夜引出折械遣去

晉王濬 字士治弘農人博涉墳典恢廓有大志嘗辟爲河東從事守令有不廉潔者皆望風解去刺史徐邈以女妻之後叅鎮南軍事以平吳功封襄陽侯

**摯虞** 字仲治京兆人學通博著述不倦武帝詔諸賢良方正直言會東堂親策之虞對切直擢為太子舍人除聞喜令時天子留心政道又吳寇新平天下久安虞上太康頌帝嘉之以憂去

**李重** 鐘武人為平陽太守崇德化修學校表篤行拔賢能清簡無欲屬吏之贓污者咸彈黜之任三年而卒家貧無殯殮之地詔典客署營喪追贈散騎常侍

**李矩** 本郡人懷帝時領平陽太守時饑疫矩悉心撫恤百姓賴焉又與石勒劉聰戰設伏出奇累立殊功官至司州刺史封平陽侯

**毛德祖** 陽武人有武幹劉裕平秦為輔國將軍河東太守代劉遵守蒲坂及河北覆敗德祖全軍還晉

**路述** 為河東太守劉淵寇河東述力拒處之

**元魏張軌** 河東郡守在郡三年政聲甚著有古循良風

**游楚** 馮翊人為蒲坂令性慷慨以恩德為治不好刑殺遷漢興太守

**柳崇** 解州人舉秀才高第歷官尚書郎中秀文時既罷鹽池禁富強專利人多爭訟帝遣崇檢斷訟遂息後為河東太守郡人張明失馬疑執十餘人崇不問賊事但問其親老存否農業多寡以察其辭色果獲真賊郡中畏服

**陸凱** 代人仕魏為給事黃門侍郎在樞要十餘年以忠厚見稱出為正平太守在郡七年號為良吏卒謚

**徐英** 馮翊人為蒲坂令剛爽不撓嘗鞭小吏張既既後貴顯欲與英和解乃因醉狎之英抗志不納遂不進用

**西魏薛善** 字仲良汾陰人魏秀武西遷改河東為秦州以善為別駕族兄薛崇禮為刺史守蒲坂善言于

崇禮曰高歡有逐君之罪吾世荷國恩今大軍已臨而猶爲高氏固守一旦城陷函首長安署爲逆賊處有餘愧盡及今歸款崇禮猶豫善與族人斬關納魏師丞相泰進軍蒲坂凡薛氏預開城謀者賜五等爵善固辭至隋爲本邑令幹用強明一郡稱最因兼督六縣事後論廣屯田督造軍器賜爵龍門縣子卒贈三司刺史謚繆

祀名宦

元淑

河東太守俗多商賈罕事農桑淑下車勸課致民家給人足爲之謠曰秦州河東杼柚代表春元公至

止田疇始理

崔寬

爲秦州刺史先是河東年饑劫盜大起寬修龔遂之法令行禁止勸課農桑周年之間盜寇止息

柳帶韋

解人深沉有度量文帝辟爲參軍屢以討降賊廢帝初加左光祿大夫轉汾陰令發奸摘伏民多懷畏任數年處斷無滯官曹清肅以功進爵爲公謚

愷祀名宦

韓杲

武川人大統初爲河東郡守性儻毅激烈然爲政尚寬簡吏民懷之

郭賢

字道因揚州人博涉經史有謀畧王思政重之邊謀多與參決世宗初除迎師中大夫出爲勳州刺史鎮玉壁以廉平稱去後見思于人卒謚曰節

裴文舉

字道裕聞喜人父遂任正平廉約自守每行春省俗單車而已文舉爲絳州刺史一遵父政務

以德化民總管韋孝寬特相欽重每與談不覺膝前

郭文恭

平遙人太平令竭力工營寒暑不怠祀名宦

東魏封子繪

渤海蓆人爲平陽太守晉州北界霍山舊號千里徑者山坂高峻每大軍往來苦之子繪請別開一路旬日而就

劉豐

普樂人爲南汾州刺史河陰之役豐功居先丞相高歡執其手嘉嘆之

北周泉企 武時為東雍州刺史高歡專政秀武有西顧之心欲委企以山南之事乃除洛州刺史常州

都督未幾秀武西遷歡率眾至潼關企遣其子元禮督鄉里五千出大谷以禦之高歡不敢進梁魏興與洛州接壤表請內屬大行臺賀拔岳以企昔蒞東雍為吏民所懷乃表復為刺史詔許之

李遠 為丞相府司馬時河東初復宇文泰曰河東國之要鎮也非卿無以撫之乃授河東郡守遠至河東

敦獎風俗勸課農桑禁革奸非兼修守禦之備未期月百姓懷之泰嘉焉降書勞問徵為侍中驃騎大將軍開府儀同三司

楊勰 字顯道正平高粱人仕魏為邵州刺史慷慨壯烈爾朱榮殺害朝士城陽王元徽逃難投勰藏而免

之以義俠聞擢拜伏波將軍後從秀武入關以功封侯文帝遣間行夷地誘酋渠附之邵郡兩叛皆賴定焉威名大振凡隣境據險自恃如司馬恭侯景之徒皆不戰而自遁其見憚于敵如此

唐永 初仕魏大統初為東雍州刺史性清廉家無積蓄妻子不免飢世以此稱之

柳遐 周明帝累徵不就後授霍州刺史為治務以德化民事親至秀未嘗論人短尤好施與家無餘財

隋楊處綱 文帝族父位將軍性直質在官強濟為當時所稱尋拜蒲州刺史吏民悅之

楊弘 字辟惡文帝從祖弟有文武幹畧由河間王拜蒲州刺史時盜大發民苦之弘奏為首者百餘人投之邊州境帖然在官十餘年風教大洽

趙芬 字士茂天水人少有辯智頗涉經史隋初拜尚書左僕射與王誼修律令兼內史令未幾以老病出

為蒲州刺史加金紫光祿大夫

楊尙希 弘農人文帝時拜蒲州刺史在州甚有惠政引澧水立隄防開稻田數千頃人賴其利

梁軌 字世暮以內軍將軍為正平令患州民病鹵生物瘠疲因鑿山源引水溉田其利甚溥



范軌 開皇間為臨汾令開鼓堆泉十二渠以溉民田民歌頌之為立祠渠旁 臨汾即正平

王隆 龍門人文中子父開皇時為昌樂猗氏銅川三邑令有善政祀名宦

韋世康 杜陵人文帝時絳州刺史以雅望鎮之境內肅清在任數年奏課屢為諸州最

王君 芮城令史失其名文中子之兄中說所謂芮城府君讀說苑美哉兄志于以進物是也按說郭古鏡

記文中子兄王度大業九年以御史出兼芮城令用古鏡滅妖蛇其年冬以御史帶芮城令持節河北道開倉

糧賑給陝東時天下大饑百姓厲疫賴此鏡存活甚眾據此王君名度無疑

辛仲龕 狄道人彥之之子為猗氏令以政績著祀名宦

堯君素 湯陰人累遷鷹擊郎將大業末從屈突通拒唐兵於河東通引兵趨長安署君素領河東守通

敗降遣至城下招諭君素以義責之曰公為大臣負國生降更為人作說客邪通慚而退時圍急音絕乃為木

鷲繫書於頸具論時勢浮河而下寔於東都因拜金紫光祿大夫密遣行人勞之前後自東都來者俱造城下

為陳利害唐又賜金券待以不威君素卒無降志其妻亦來謂曰隋將亡何故取禍君素叱而射殺之左右知

其志不可動遂遇害

唐任環 隋末為河東令高祖起義兵環至龍門請見贊以平定之策

長孫操 字元節有學術高祖辟署相國府金曹參軍未幾檢校虞州刺史從秦王征討嘗與聞秘謀永

徽初以陝州刺史卒贈吏部尚書謚曰安

李安遠 夏州人補正平令時唐主兵起攻絳州安遠與通守陳叔達嬰城拒守唐公子素與安遠善及

拔絳撫慰其家乃與同食授右翊衛統軍正平縣公

唐臨 長安人為萬泉縣丞有輕囚久繫臨以方春告令使暫出務農如約而還後官至吏部尚書祀名宦

楊大寶

武德初為龍門令時劉武周攻之力戰死焉贈全節侯祀名宦

宇文士及

字仁人長安人太宗時為蒲州刺史政崇寬簡士民宜之累遷至郢國公

杜楚客

杜陵人如晦弟太宗時為蒲州刺史政有能名遷至工部尚書

長孫恕

貞觀中為龍門令鑿渠溉田人賴其利祀名宦

蔣儼

義興人有奇節高宗時擢為蒲州刺史前政以戶產克課訟獄積不能平儼至發隱禁黠奸吏不敢

欺匿人服其明稱為良牧

孔禎

高宗時為絳州刺史政教兼舉及卒而民有遺思

崔翳

永徽間令曲沃引鼓堆泉溉田百頃

劉齊賢

高宗時為晉州司馬時將軍史興宗從獵苑中言晉州出佳鵠可捕取高宗曰齊賢豈捕鵠人

邢果遷黃門侍郎

柳繹

解人宗元之從曾祖也為夏縣令宗元稱其政良祀名宦

鮮于紹

為絳州刺史高宗鳳儀中為同州刺史仍賜絹二百疋賞清廉也

徐弘敏

高宗時為蒲州司法參軍以寬為政不施杖罰吏民感其息更相約曰有犯徐參軍者眾共斥

之訖代不辱一人職事亦修後累遷司刑丞所活甚眾

韋安石

萬年人永昌初遷并州司馬政尚清嚴吏民皆敬畏之武后嘗手制勞問後以尚書右僕射遷

蒲州刺史弟抗後亦為蒲州刺史俱有政績

徐洪

字彥伯兖州瑕丘人七歲能文對策高第中宗時調蒲州司兵參軍司戶韋暉善判司工李豆善書

而彥伯善屬辭時稱河東三絕

張懷器 武城人中宗初為翼城令引翔高之泉開澮陰之道便汲者行者又闢荒田五百餘頃時稱政  
治清平既去民為立碑

李元禮 宗室子善騎射始王鄭即授鄭州刺史後徙王  
徐遷徐州都督為絳州刺史有治名璽書勞勉  
實封至千戶

李朝隱 京兆人以明法中第中宗時調臨汾尉累轉聞  
喜令操履清正政績著聞入為侍御史後代崔  
祐甫為御史大夫卒贈吏部尚書謚曰貞祀名宦

蕭至忠 沂州人中宗時為晉州刺史以治才顯默啜遣  
使來朝見至忠風采廵遠畏俯謂人曰是宜相  
天子何乃居外乎

王鑾 為龍門令有能名李勉薦之時稱知人祀名宦

李尚隱 萬年人玄宗朝以兵部侍郎出為蒲州刺史時  
有浮圖懷照者造為妖言馮侍徵等助實之尚  
隱劾其妖妄詔流懷照播州仕至戶部尚書

楊仲昌 號州人以河陽尉對策明皇擢第一授蒲州法  
曹參軍累遷彥義令鸞降庭樹太守蕭恕表其  
政

趙宗儒 開元中擢進士第補太子正字調雷澤丞河東  
採訪使韋陟器之表置其府  
嚴浚 華陰人為絳州刺史威惠並行吏民畏服

李元紘 字大綱萬年人以清儉著稱為蒲州刺史開元  
中拜中書侍郎同平章事

裴寬 聞喜人官吏部侍郎出為蒲州刺史時久旱寬入  
境輒雨徙河南尹不屈權貴終禮部尚書

齊澣 定州人為蒲州司法參軍有父子連坐論死者澣  
議貸其父太守不聽澣固爭卒原之天寶初為平

陽太守以清淨為治

**陸象先** 本名景初蘇州人元方子為蒲州刺史政尚仁

此例合與杖象先曰人情相去不遠此豈不解吾言若

下本無事祇是庸人自擾之耳苟澄其源則亦何憂不

**嚴挺之** 天寶間為絳州刺史明皇欲進用之李林甫忌

為員外郎又云朝廷待賢兄極深須作一計入京既見

就鑿林甫持狀奏云挺之年高近患風氣且授一閑官

**姜師度** 魏州人太宗時為河中尹值安邑鹽池涸廢師

度知相地云 時太史令博季忠以知星顯時為語曰季忠知仰天師

**裴千鈞** 字季卿聞喜人天寶末為萬泉令雅好賓客尤

政碑

**趙復** 為永樂尉安祿山陷兩京使崔乾祐守河東復與

相與密謀俟王師至為內應郭子儀引兵來攻復等斬

**李模** 宗室子肅宗時為猗氏令史思明陷洛陽劫掠諸

**房瑄** 河南人肅宗時以禮部尚書出為晉州刺史悉心

**唐昇** 為河東縣令大曆七年褒昇階至朝散大夫更留

**韓恪** 大曆間以議郎任翼城令性廉直人憚服之

**吉茂** 字叔暢舉茂才除臨汾令在官清靖吏人不忍欺

韋武 萬年人德宗時為絳州刺史鑿汾水灌民田三十餘頃墾書慰勉

韋縱 德宗時知安邑理鹽池事卓有能聲

李憲 晟次子憲宗時為絳州刺史設法轉運以給河中絳民賴其利時澤州沁水妖賊李有經聚眾三千餘人來寇翼城縣憲以州軍及神策鎮軍擊破擒有經以獻

李愬 憲之弟憲宗時為晉州刺史以治行稱

樊宗師 河中人憲宗時為絳州刺史有政績知名於時

李栖筠 趙人幼孤有遠度莊重寡言舉進士為河南令時李光弼守河陽高其才引為行軍司馬兼糧料改絳州刺史有德政頌

張圓 字直之偃師人為河中府法曹參軍攝虞鄉令進攝河東令俱有能名遂署河東從事又攝絳州事

能聞于朝廷元和四年卒于汴韓愈為作墓碣銘

李漢 少事韓愈通古學屬辭雄蔚為人剛畧類愈愈愛重以子妻之擢進士第以御史中丞吏部侍郎坐牛李黨改絳州司馬尋徙絳州刺史

楊損 家與宰相路岩第接岩欲易其廐以廣第損族仕者十餘人議曰家世盛衰繫權者喜怒不可拒損曰今尺寸土皆先人貲非吾等所有安可奉權臣邪窮達命也卒不與岩不悅使損按獄黔中踰年還三遷絳州刺史

狄惟謙 梁公之後會昌中為絳隰刺史有名稱

王式 揚州人宣宗時為晉州刺史會西河大饑民徙他郡不納式勞恤之活數千人以善最稱

杜君幾 為河東太守開置學官親執經教授士皆奮發自是河東多儒者後封豐樂公

易守志

卷之二十一 宦績

三

劉迥 由進士仕吉州刺史剛直夙稱廉能茂著理民決訟推誠布公祀名宦

李洞 以給舍郎行翼城主簿一稟公正人不敢干以私令重其品邑人咸敬慕之

崔弘禮 博陵人為忻汾州刺史有治行後人祠之長慶初改絳州刺史

姜晦 上邽人暮之孫起家蒲州參軍政治有聲人畏愛之累遷吏部侍郎

唐彥謙 字茂業并州人咸通末舉進士為河中從事歷晉絳二州刺史有詩集傳世

後唐張仲溫 翼城令才識饒敏治行卓異縣舊治翔高山下溫徙建王逢寨曰據險以守無如此者迄今數百餘年尚仍其地

漢侯仁矩 隰州刺史至郡決滯獄一日釋繫囚百餘獄為之空民情悅服祀名宦

周程光遠 世宗時以監察御史守翼城賄賂不行以風厲著聞時鎮使王德都虞侯張進鎮翼常戒其下

曰勿犯程公其見嚴憚如此祀名宦

李謙溥 孟縣人攝隰州事濬城隍嚴兵備并人至謙溥登城徐步并人不敢動因夜緹敢死士百餘溥敵營大破之宋初復刺隰州敵人不敵犯境祀名宦

許遷 為隰州刺史廣順元年十二月朝見賜襲衣金帶銀鞍馬獎守城之功也

宋李士衡 成紀人知解州居官廉潔不求名譽祀名宦

葛懷敏 知隰州有守禦功

慈卿 字釋回咸平間聞喜令李垂修學記云田賦平而民足川原肅而寇絕

趙尚寬 仁宗時知河中府神勇卒苦大校貪虐刑匿名書告變尚寬命焚之曰妄言耳眾乃安已而奏黜大校分士卒隸他營

晁補之

字無咎鉅野人知河中府修河橋以便民民立祠祀之弟詠之工於文亦嘗為河中教授

狄棐

知河中府有中貴人過郡言將援棐於上棐答以他語退謂所親曰吾湘潭一寒士今官侍從可以

老而自汗邪

蒲壽晟

咸淳間知蒲州性儉約於民一毫無所取建曾井汲水二瓶置座右人頌之曰曾氏井泉千古

烈蒲侯心事一般清

朱選

天長人天聖中知河中府忠厚有守上稱為長者

馬中庸

至和間聞喜令重修文廟士子稱之

文彥博

以大理評事知翼城縣事課農桑修河堤廣厲學宮以振士習至今邑人思之稱其河亭曰潞

公軒祀名宦

錢暉

臨安人吳越王裔也仁宗時叅知河中府軍事兼管勸農仁宗勅賜飛白安民二字撫政優游郡中

頌戴因作安民堂以見志

范仲淹

字希文蘇州人舉進士高第為秘閣校理尋通判河中府為政忠厚大著惠愛士子執經問難

無虛日見有貧者輒割俸周之諸子至易衣而出晏如也後召拜樞密使復除叅知政事謚文正

富弼

河南人仁宗初以將作監丞關決絳郡多著美績民至今懷之有祠

薛奎

絳州人崇寧中為隰州軍事推官民嘗聚博僧舍一日盜殺寺奴取財去博者至啓戶踐血汚衣遽

驚走羅者因捕送州拷訊引伏奎獨疑之使緩其獄後數日果得殺人者共服其明焉

陳希古

進士天禧己未以秘書著作郎知翼城事有文學多所振刷百度修舉邑之風俗迥然一變

錢惟濟

知絳州民有條桑者盜強奪之不能得乃自斫其右臂誣以殺人官司莫能辯惟濟引問面給

以食盜以左手舉筋因語之曰他人行乃則上重下輕  
今下重上輕蓋用左手傷右臂也盜引服

**李垂** 字舜工聞喜尉明道中知絳州修夫子廟還朝閣  
門祇候李康伯謁之因謂曰舜工文學議論稱於

天下諸公欲用為知制誥但宰相以舜工未曾相識盍  
一往見之垂曰我若昔謁丁崖州則乾行初已為翰林  
學士矣今已老大見大臣不公嘗欲面折之焉能隨羣  
逐隊趨炎附勢伺人眉睫以冀推挽乎道之不行命矣  
執政知而惡之出知均州

**陳子履** 由進士以校書郎任翼城政有仁聲歐陽修贈  
以序

**范純仁** 字堯夫仲淹次子登皇祐進士初判太原府後  
劾王安石以判國子監出知河中府以保甲妨

農論之甚力累官至尚書右僕射謚忠宣

**楊偕** 中郡人歷知河中府時元昊反劉平石元孫皆戰  
沒朝野震駭偕馳告延州曰大兵十萬且至矣其

具芻糧儲什器以俟賊聞遂解去夏竦議增土兵偕言  
不便時賴其言遂至不擾

**呂誨** 開封府人性純厚累官兵部員外郎兼侍御史以  
議濮王禮出知蘄州進河中府召為天章閣待制

知諫院

**周起** 鄒平人權知河中府有風烈賜璽書褒諭

**李周** 知洪洞縣民有世絕而官錄其產者其族晚得遺  
券周取以還之縣南有澗支流溢入為害周築新

堤以護衝決民乃不病以副馬光薦召至訪以禦邊之  
術知邠州徙鳳翔至吏部侍郎周為小官即沉晦自匿  
未嘗私謁執政而人自欽重之

**安公** 武威人為龍門尹嘗于廳事東作醉經庵以寓沉  
湛經籍之意汝南袁幾作記刻石以頌德政祀名

宦



劉舒 皇祐三年鄉寧令初縣治瀕河數遭水患舒改遷鄂侯故壘即今鄉寧城自是民有寧宇祀名宦

孫民先 嘉祐初任曲沃縣事勤慎愛民作興學校祀名宦

俞充 字公達鄆縣人由進士治平中令虞鄉侗儻風流雅嗜山水之勝暇日登王官謁表聖祠想像其為人作王官十詠貽溪懷古十篇以見志

張戩 長安人橫渠弟由進士知靈寶縣熙寧初為御史論王安石變法出知夏縣縣民多訟戩待以至誠反覆教諭訟者往往叩頭自引伏不半歲刑省訟息未幾靈寶之民遮使者車請曰今夏令張君乃吾昔日之賢令也願使君哀吾民乞張君還舊治使者欣然言於朝去之日士民遮道泣送

朱壽昌 字康叔天長人熙寧初棄官尋母於同州得焉詔壽昌就官不忍離母乞判河中府迎母及同母弟妹以歸母卒泣幾喪明拊弟妹益篤初以將作監丞關泆絳州多著美績

孫固 管城人為霍邑令宰相韓琦知其賢論使來見固不往琦益器重之

楚建中 洛陽人知榮河縣民苦鹽稅不平建中乃約田多寡以為輕重公私便之

扈周卿 大名入嘉祐中為襄陵令視事終日無倦色未半歲刑清訟簡政恬俗熙簿書之外每有所施設後以憂去民追思之

劉景文 元祐中守隰州治以最稱

李綽 元祐初為解縣令同兼鹽池事嘗修堰以防衛鹽池後人名為李綽堰

王評 字漢卿陝之杜陵人崇寧間知夏縣修司馬文正公祠志行冲逸嘗於石上刻一像程巾除衣手攜竹杖後隨一鶴像上書七言律絕各一末題天一居士白雲翁可想見其風致云

劉燁 河南洛陽人舉進士授著作郎知龍門縣嘗捕得羣盜盡殺之眾服其果

宦績

宦績

宦績

宦績

宦績

宦績

宦績

鄭咸 元祐間為解縣尉兼主簿長于文學善楷書一時碑刻多出其手

張成 元祐間知解縣為政平恕吏民懷之

張杲之 符離人元祐間權知解州軍事兼管內勸農事雍容鎮靜民熙然樂之

張硯 延平人元祐間通判解州軍事兼管勸農事政尚寬簡吏民多信懷焉

趙瞻 永城人進士授萬泉縣令捐俸修學官士自遠而至改知夏縣作八監堂書古賢以自監又為戶部

尚書送司馬溫公喪歸葬夏縣元祐間卒太皇太后語輔臣曰惜哉忠厚君子也謚懿簡

游師雄 字景叔武功人紹聖間守河中府自中條山下立渠堰引蒼陵谷水注之城中人賴其利

孫載 崑山人紹聖初為河中府戶曹更三守皆立威嚴者載獨與之爭持曲直不事詭隨後除河東轉運判官時稱為循吏

麻吉 平陸尹尊禮生儒創建學校

宗澤 婺州人為晉州趙城令下車請升縣為軍書聞不盡如所請澤嘆曰承平時固無慮他日有警當知吾言矣

蔣堂 宜興人知河中府清修純飭遇事毅然不屈祀名宦

邵伯溫 字子文洛陽人康節子政和間以朝奉郎知芮城縣政尚公平號為無事深得牧民之體

李察 以朝奉郎知翼城縣事政平訟簡不喜鉤鉅時訪民間疾苦惻然軫恤建有阜民廳民皆頌之

王闢之 臨淄人為河東縣令吏治膚敏常慕夷齊高節乃毀淫祠作新廟以表祠之

向宗 開封人宣和間知翼城疎達明敏興仆植僵刑清政簡吏民畏愛祀名宦

謝皓 字商老入太學與游權老龔吉老齊名時人目為三老元豐中第進士歷金部郎官遼使至命皓代

張開等接對皓曰不疑於物物亦誠焉苟待之以誠彼雖無知亦當屈服明年以太常少卿使遼北還凡北界山川地理名物情狀皆以聞遷司農少卿出守絳州以公廉稱

**顏太初** 字醇之彭城人顏子四十七世孫少博學有雋才仁宗時舉進士為臨晉簿有能名時同州通

判宋武者與守爭事父子皆恚死骨寓僧室無敢言其冤太初往葬之且表其墓其篤義如此

**聶昌** 臨川人靖康中登政府出知絳州遇害紹興中張

箭五心摧電掣雙眸兩臂開車馬踐時頭似粉鳥鳶啄處骨如灰父兄有感空垂淚子弟無知不舉哀回首臨川歸未得冥中空築望鄉臺時以為聶之精魂所作

**郝仲連** 建炎初金人犯河中守臣席益遁去仲連引兵屯河中就權府事率眾力戰度不能守先自殺

其家人城陷不屈並子俱遇害

**金梁肅** 奉聖人為絳縣令以廉介累遷山東西路轉運副使金主謂宰輔曰肅知無不言正人也卒謚正憲

**牛德昌** 安定人為萬泉令時大飢羣盜充斥縣城門盡閉德昌至即日開門縱百姓出入榜曰民苦飢

寒標掠鄉聚以偷旦夕之命甚可憐也能自新者即不問賊皆感激解散境內遂安累官都轉運使祀名宦

**晁會** 字公錫高平人道院文元公之後宣和末中武舉仕為太子洗馬天眷二年經義進士為人美風儀

器量宏博澤人經靖康之亂生徒解散會稍誘進之貧不能就舉者必厚為津遣在官分俸以給貧乏歷臨晉

虞鄉猗氏三縣令俱有惠政累官興平軍節度副使詩號泣水集虞鄉縣齋云宦况薄於重榨酒瓜期近似欲

殘棋王官谷云烟藏芳樹遠雲補斷山齊士人至今傳之三縣俱祀名宦

**劉徽柔** 天眷中為洪洞令明敏善聽時有楊遠者訴夜雨屋壞壓姪死徽熟視笑曰汝利姪財而死之

叱付獄其人立伏去之日縣人遮戀為立生祠刻石頌德正隆中同知河東南路轉運事廉名甚著

賈少冲

字若虛通州人家貧甚嘗於道中獲遺金訪其主歸之天會中再侵宋調及民兵少冲甫冠代

其叔行雖行伍間未嘗釋卷中天眷進士出判河中府嘗教諸子曰陰陽所以庇身筦庫不可為也聞者尚之

李晏

高平人皇統間歷岳陽令攝隰州蒲縣政立判百餘事眾皆畏服

移刺子敬

字同文遼五院人讀書好學皇統間河中尹請老河中地熱上恐子敬不耐暑改與中尹

其女來省謁遇盜剽掠其行李既而還之謝曰我初不知為府尹家也尹有德於民尚忍侵犯邪

王廷直

壽春人皇統中為夏縣令文學政事蔚有可觀

施宜生

祁武人天德中為隰州刺史有惠政

張浩

渤海人為平陽尹有臨汾男子夜掠人婦浩捕得擄殺之境遂無盜近郊淫祠廟祝與田主爭香火

利累年不決浩撤其祠投其像於水中強宗黠吏屏迹莫敢犯者郡中大治

楊伯雄

藁城人皇統中繼張浩為平陽尹有惠政百姓歌之曰前有張後有楊

楊子益

正隆中為聞喜令廉以持已優於治繁政績懋著民為立碑記名宦

孫九鼎

定襄人明經狀元以尚書員外郎知翼城縣事時多盜賊鼎多方勦捕之梟其渠魁餘黨解散

邑賴以安

李愈

絳州人字景輔舉進士慷慨尚志節大定間典解郡兼知軍州事提舉河防使政平訟理民靜吏間

而又修學養士敦正風俗祀名宦

王蔚

字叔文香河人大定間為良鄉丞有卓異績超授河東北路轉運使廉為諸路最加知河中府

高汝礪

金城人大定中為石絳二州刺史蒞官有政聲後相宣宗號為良相

王宗儒

大定間為聞喜縣丞署縣事能決獄弭盜興學愛民嘗修宣聖廟自為記祀名宦

張升 大同人爲絳州錄事趙偉反時謂所識者誼不能從言訖赴水人嗟異之

張元 絳州正平令有治績時有韓希甫王兢相繼治河內皆以才名著而元稍不及故縣民爲之諺曰西山至河岸縣官兩人半

吳鑄 長春人大定間爲榮河令撫民有方處事有法蝗不久境旱禱卽雨民刻石頌之祀名宦

劉汝 大定間爲蒲縣令政平訟簡民物康阜

楊時 翼城人大定間爲本縣令篤忠愛戒貪殘教民務本民德之

耶律德元 遼人大定間知解州軍事時歲旱綠林之黨嘯聚山谷德元乃曰先除民害後祈雨澤神

必不違密與數騎直造賊穴追捕之賊悉平遂祈雨于五龍祠雨隨車而下民歌頌之祀名宦

范承吉 初從攻太原遷少府監擢知絳州先是兵興民有爲將士所掠而逃歸者承吉使吏徧論俾其

自首凡數千人具白帥府許自贖爲民或貧無贖者以公厨代輸改河東北路轉運使時承宋季之弊民賦太重承吉盡心經畫立法簡便官民俱足

張萬公 字良輔東阿人明昌中知河中府時軍興調發叢劇萬公悉爲寬假使民力易辦人爲肖像于薰風樓又建去思堂

田特秀 京兆人承安間知解州治民以寬繩吏以嚴政暇集郡諸生講解亶亶不倦

安得璋 猗氏令清慎才敏舉無秕政祀名宦

趙景溫 丹陽人泰和間爲襄陵令寬於御衆勇於立義多善政以廉謹著稱

劉從謙 安邑人以明經擢進士泰和元年爲萬泉主簿寬不柔猛不虐舉錯有法條教可觀嘗罄俸資以修廟學儒業復興民歌頌之祀名宦

孫鼎臣 以辟舉入仕為河津令清慎敏才極一時之選時號為良吏

李曼 高平人由進士判隰州軍事政尚平易號為循良

李復亨 字仲修河津人年十八舉進士調臨晉縣主簿護送官馬入府宿逆旅有盜殺馬復亨曰不利

而殺之必有仇者盡索逆旅同人過客同邑人橐中盛佩刀謂之曰刀蟻馬血火燬之則必青其人款服果有仇遷南和令累官參知政事兼修國史終安國軍節度使

劉仲誠 宛平人知大同府尋改平陽府性剛古果於從善治民有方所在皆有美績為一時之能吏

王靚 字希互遂州人以詞賦擢進士第承安間調聞喜丞廉潔詳辨民皆畏愛重修文廟

田世英 字用之河中人博學能文尤長於詩中興定二年經義進士與同年張瓚毛麾段繼昌齊名調

絳州教授遷虞鄉主簿及尹已而退居鄉里教授生徒從遊者甚眾郡士大半皆出其門學者稱為田先生

康錫 趙州人任河中府治中為人氣質重厚公家事知無不為與雷淵冀禹錫齊名

劉瑋 字德玉咸平人舉進士特賜及第歷官戶部尚書出知濟南移鎮河中府上嘗問考課法今可行否

對曰考課之法本欲綜核名實今提刑司體察廉能職濫以行賞罰亦其意也別議設法恐涉太繁上將擊毬武殿聞瑋卒而止謚安敏

馬伯祿 字天錫三河人幼志學事繼母以孝聞登大定二年詞賦進士所至以剛直能幹著轉知河中府事卒謚忠貞

把胡魯 由御前經歷官出知河中府陝西西路轉運使夾谷德新上言知河中府把胡魯廉直忠孝公

家之利知無不為實朝廷之良臣也去歲兵入延安遣將調兵城賴以完不為無功今合達買住各授世封而胡魯仍知河中府方今用人之時使謀畧臣不獲展力緩急或失事機詔為大司農

完顏宗道

本名八十上京司屬司人通周易孟子善騎射知河中府有惠政民立像於層觀祀之

完顏伯嘉

猛安人興定間知河中事廷議欲棄河東徙民以實陝西伯嘉上言切諫而止

蒲察婁室

猛安人舉進士歷任以廉能稱興定間再遷同知河中府事權元帥右都監河東路安撫

使復取平陽晉安優詔褒寵後將兵救鄜州轉戰而至城破死之贈資德大夫定國軍節度使謚襄勇勅行省求其尸以葬

完顏賽不

狀貌魁偉沉厚有大畧累立戰功歷樞密副使奉詔救河東戰屢捷復晉安平陽及河中

三城封壽國公

侯小叔

河東人爲河中府判官權安撫副使散家財以賞戰士元兵圍河中急人勸小叔降之贊斬密

遣經歷官張思祖潰圍出奔告於汴京明日城陷小叔死之

李革

河津人性穎悟讀書一再誦輒不忘舉進士累官戶吏二部尚書貞祐中拜叅知政事後出知平陽

城被圍屢出戰裨將出降革自殺贈尚書左丞

移刺阿里合

遼人興定中爲霍州刺史元兵至戰敗與寶昌軍節度副使孔祖湯俱被執不跪向

關面立元人叢矢射殺之祖湯亦不屈而死

伍禮厚

興定中任吉州同知元兵陷吉與其妻墜崖而死

元王明安

燕人太祖時爲霍州守車駕過知其忠勤欲使扈從南征爲平陽總管元帥奏留守霍卓有異

政

韓昇

隰州人爲本州刺史以策干太師木華黎授千夫長才勇兼備經畧有功授戶部尚書佩金虎符子

真繼爲刺史祀名宦

王輝 汲郡人中統間為平陽路判官太平縣有疑獄不決輝一訊即具實乃盡出所繫逮者時境內久旱是夕大雨

張敏 耀州人金大定四年進士初授解州判官拯卹荒飢調聞喜令昭雪沉寃至元初改平陸尹鋤除桀

黠平反誣獄訟簡賦均戶增盜息建解宇興渠利清操善政卓絕一時民愛戴之三處之民俱於去後立碑頌

德請祀名宦 按通志有兩張敏一在金富平人以解州判官調聞喜一在元耀州人以聞喜改平陸查平陸

志併碑文由解州調聞喜改平陸即一人歷任之次第也耀州與富平接壤同屬西安或居址籍貫之誤獨聞

喜志謂至順間以進士任至順乃文宗改元去至元初甚遠或元訛為順耳

鄭公 至元間以尚書省宣使知解州事清白整肅勸農興學士民翕然從化祀名宦

劉天孚 字佑民大名人歷知河中府初視事適阿憇罕為亂兵至河中度不能拒遣人至晉乞援不報

阿思罕欲脅使附已方坐府治號令諸軍天孚佩刀直前眾遏不得入退謂人曰吾何忍從賊而負上恩哉即砍河水自投死詔給驛歸柩贈彭城侯謚忠毅

王守忠 潞州人隰州判官佐政有方遷知絳州諳通律學治績卓然

葛榮 至元間平陸縣尹重修縣治儒學政績著聞

岳弘 南頓人至元間為垣曲尹兼管諸軍與魯治有殊績尤多修繕

桑而只 西夏人至元間任襄陵有德政民為立石頌之

益篤護彌實 至元間霍州達魯花赤有仁政賦役均平寇攘屏踪

王奉訓 至元間知解州事吳從仕復遷鹽司奉訓即以公解為鹽司之所禮接鹽司僚屬若賓主然自是州司鹽司相協民獲其利



彭仲德 東明人至元間知絳州勸農桑興學校善於訊獄時服其神明

劉源 字巨川以儒吏兼通克宣慰佐史奏對稱旨授勅牒為西京路經歷至元二十九年遷授將仕郎翼

城尹廉能簡靜有蒲鞭之遺風葺學校不勞民力翕然修舉

楊宜 翼城人任本縣尹三十年為政廉明善於謀斷時南鄉水利爭訟未息宜立為定例致民富饒縣東

有炭窟歲久圯壓宜別相地創開民甚便之從弟琛琛子思明琛弟佺佺子思孝思孝子權與宜子汝舟俱任

本縣文武職並有能名

楊思聰 大定人大德三年進士由晉城主簿歷大寧令政平訟理有蝗不入境之異泰定二年改萬泉

歷任清自治有能聲民紀其政績八條宣王化勵農功伸民冤決繫獄建地利除虫害振文風惠窮民立石記

之祀名宦通志府志大寧志俱楊思聰獨萬泉志姚思聰或復本姓或係字訛亦未可知

也速及兒 東原人大德間知洪洞縣能以文學潤飾吏治

馬思忽別 以華容縣達魯花赤調襄陵為人豪邁以經濟自任視事之初除奸剗弊凡有便民知無

不為每公退杜門一無所交雖家人亦不敢以私事溷也嘗值衛兵雲合恣所侵掠乃即闔城門集丁壯禁戢

驕橫秋毫無犯百姓德之立德政碑

韓敦武 大德間靈石尹任勞勤事節用愛人政和以中民不知擾祀名宦

左濶濶出 河間東光人大德間知垣曲縣廉介好讀書請學講論殊無宦態明習吏事六事克修吏

民畏服為立去思碑

張式 覃懷人大德間尹夏縣修孔子廟溫公祠

福童 皇慶間平陸尹重修傳說祠後尹續執中碑紀其績稱為事神治人得為政之先務

杜英

籍無考延祐年任曲沃知縣重學育士敬神恤民

王傑

字伯英澤州人延祐間任聞喜縣尹均賦興學廉幹著績有去思碑祀名宦

郭琪

繁峙人延祐二年為洪洞尹通明法律曉達政事轉隆興路推官剖決是非咸稱平允陞知汾州

薛信

本州人延祐間解縣尹士庶服信教化奸邪亦畏其威嘗捐貲修五龍廟為鄉里祈禱所歷陞晉寧

路治中

劉尚質

曲沃人泰定間任稷山縣尹守已清廉為政平易後遷翰林院編修擢御史忠直敢言得風憲體引年休致日與學士靳榮題咏邑人以二賢名之

月輪失帖木兒

畏兀人泰定間為萬泉令通經重道公廉有為嘗請免稅以濟民饑祀名宦

石正卿

河南人泰定間知萬泉縣政尚廉平獄無冤濫秩滿遷正平尹祀名宦

靳克忠

字唐臣潞州人歷行省都事知河中府也先帖木兒叛軍河西岸克忠與達魯花赤八札海牙

併力守禦或勸其退避克忠曰我守臣也去將安之乃與海牙端坐府中賊入被執克忠抗論不屈死之海牙至奉元死於省門之外事聞贈陝西行省叅知政事封郡公

八札海牙

畏兀人自知州轉河中府達魯花赤天曆初陝西構亂蒲津正當其衝與知府靳克忠以

忠義自勉誓以禦賊相拒旬餘賊勢益甚二人被執抗論不屈死之事聞詔贈行省叅政封郡公

郝信臣

至順間任太平尹捐俸濟民有惠政祀名宦

冉大年

至順間任靈石尹勤于政事案無留牘暇則巡行郊陌勸課農桑民甚德之鼎建孔子廟於靜

昇村今塑像俱存

李良

蒲縣簿嚴謹律身刑獄不濫

楊恕

字居仁古并人順帝至元五年知解州事革弊政敷惠化州人立碑頌之

韓奭

至元間知霍州遷卜學宮地經營剏始皆其力

賈琪

至元間霍州知州修建學宮重儒愛民

戴侯

至正元年以陝西省平章保舉監安邑縣禁豪強除宿弊值歲凶借貸官儲以濟饑民多賴之移守隰州民不忍其去載道擁留祀名宦

王元禮

至正初為襄陵尹扶植善類阻抑奸慝興學校于征戰之餘有古循良風

李榮祖

雲中人至正初知絳州下車即修學校築壇壝社稷風雨之神載于祀典者皆興焉復隋令梁軌水利通渠十二溉田五百餘頃太旱不竭民賴以饒聽訟明敏絕無停滯前案積數十年不能決者諭以正理莫敢遁其情民親愛如父子骨肉

王天祐

潞安人太常博士進階奉議大夫知隰州正考稱其穎性疏通偉才精勵屢議大禮國度以

貞歷著

治猷民生允殖

莊欽祖

為趙城尹曲禦邊患敦崇文教政績甚異

程伯啓

平陸縣尹重建縣治禮士愛民有良吏風

不魯古反

字守道至正間為萬泉令無虐政無苛役民紀其政績八條于碑祀名宦

拔思溥化

偃師人至正間以進士任聞喜縣達魯花赤六事備舉政治有聲却使者舉為守令之最

朝廷遣賜宮幣以旌之祀名宦

辛鄒彥

汾西人至正間由榆社主簿調知夏縣廉明神察善剖疑獄嘗建祠馬公祠堂書院及修黑龍

李緯諸壩當平倉事集而民不擾

按攤不花

伊山人至正間薦授岳陽縣達魯花赤恤刑薄賦招集流亡惟恐一民失所祀名宦

牛天麟

恒山人元貞間鄉寧令重建廟學興起斯文

閻得中

至正間知曲沃縣首建社稷壇新文廟惠愛黔黎作興人材民歌之曰泮宮之崇以扶儒宗社

稷之封以祈年豐肇之者誰令尹之功

也真不花

蒙古人居燕山延祐二年監安邑縣事蒞政公平洞達經史門無私謁不尚華靡所居若

寒士讞獄無不得情鄰壤之畔亦願就質云祀名宦

虎篤鐵木耳

蒙古管陶人至正間任襄陵縣達魯花赤政舉民服縣事稱治嘗值春旱躬詣卧龍

祠禱雨輒應民為立感應碑

蒲機

興元人至正間知芮城縣嚴明剛直剖決精敏吏畏而民懷之時歲饑民多逃亡機輕徭薄稅除鹽

丁之害所活甚眾逃亡者復集

徹里鐵木耳

景州人至正間任稷山縣達魯花赤睦察宋撫百姓興利革弊教養兼舉政化大行

葛裡

字克敬文安人至正間任稷山尹與徹里鐵木耳同心撫民邑統樹碑頌之

韓復生

劉陽人以進士至正間任吉州同知文雅而嫺於吏事隱惡揚善俗化治成

劉履謙

至正間以絳州判為絳縣尹政績昭著

靳和

曲沃人至正間知絳州政治公平居鄉喜周貧乏導人以善

宋克篤

長白人至正間知絳州時稱文章政事方諸宋文潞公之知翼城語曰潞公顧前宋侯光後

王士元

字克佐息州進士至正間知吉州為政不苛守節不屈士民甚戴祀名宦

董輔卿

河中人至正間知猗氏縣約田賦徭役任編氓社戶自相推派行之以公民稱便焉祀名宦

劉仲殷 曲沃進士稷山縣尹為政廉勤平易後遷翰林編修擢御史邑民思之不忘祀名宦

藥僧 唐兀人至正間自中書任稷山縣達魯花赤才識過人愛民如子時賊寇逼境邑人大恐欲潰僧與縣尹張名昭主簿商顯祖協謀備禦卒賴保安有保民禱以頌德

張名昭 順德人至正間稷山縣令撫民禦賊與藥僧同政

胡元真 知萬泉縣剛直而清苦豪猾畏威奸諛喪氣有修學記

程元直 亳州人知交城後陞知絳州勸農興學政平訟簡人心悅服

靳柱 襄陵人進士善屬文至正間授絳正平縣尹尋陞監察御史祀名宦

葉企顏 上蔡人以統軍元帥行翼城縣事撫慰人民各安生業近悅遠懷咸沾恩惠

護廩實 至正間知河中府事蒞政二載聲譽籍甚以憂去起為河東運使惠愛尤多民為立碑紀之

劉立 監臨晉驛甚得衆心有德政碑紀其績

王仲文 祥符人知夏縣為政寬簡濟恤孤貧嘗出郊勸農自齋米煮粥民私贈棗數枚不內年老致仕遂家於夏縣子孫累世科第相繼

普顏不花 天資明敏學問宏裕至正十年任平陸縣監以愛民為心每東作乘一騎從一胥自買餅餌以食勞民畝畝故室多蓋藏家絃戶誦去後民思慕之

沙班敬昇 以黎城主簿監翼城敦禮儒雅子惠小民尤以風厲為急廣建社學免其徭役

楊文選 邠縣人至正十七年靈石尹公廉慈惠尤善用兵士民愛之祀名宦

范國英 至正十八年領河中府事與宣慰使賽因赤答忽懷遠復修郡城又修武壁等八寨以禦寇

陶執中 至正間任夏縣時天下大亂執中據守夏民賴之以安至正二十九年明兵下河東執中不降

而去之

明徐本 洪武初知府建諸廳署壇廟驛遞民有苗氏子負老母行丐為周其衣食尋召入朝

胡維賢 定遠人洪武初同知政績見彰善錄越數年陞太原知府又明年得代召入朝

周凱 棗強人洪武初府通判多政績

徐鐸 南昌人洪武初以戶部侍郎改知平陽府濬永利池改建臨汾縣學

孫仲昱 籍未詳洪武十二年知府嘗致瑞芝

徐彪 商河人洪武間臨汾縣丞復流離闢荒蕪均徭役簡詞訟政有成效尋陞本府同知境內肅清民心

愛戴祀名宦

楊睿 柘城人永樂間知府有美政不數月刑清訟簡郡以大治遇旱禱雨隨注卒于官民皆哀之祀名宦

萬觀 南昌進士正統初以監察御史陞平陽知府嘗新堯廟致瑞芝之應考滿陞山東左布政

胡睿 長垣進士成化間知府為政精密廉慎既去民皆思之祀名宦

李琮 順天人成化十九年知府政簡刑清吏民懷之

樊瑩 常山進士弘治三年知府祀名宦

杜忠 河陰進士弘治五年知府郡城舊有晉山書院永樂初改縣治忠復建于永利池北仍其名以為士子誦讀之所

張文佐 西平進士有彥行成化間先任襄陵弘治十一年陞平陽府清譽甚著行朱子社倉法以賑窮

因鼎新學宮遠聘名士以資講習善政多端祀名宦

郭桂 字時芳咸寧進士由知縣歷開封知府歷著政聲慈惠聰察有神明之譽正德六年起復為平陽時

海內多事盜賊四起百姓凋敝又多藩邸下人怙勢侮法無敢誰何桂至而盜賊屏息藩邸各輯其下百姓安堵歌頌興焉桂曰民可使也於是新堯廟增修舜禹廟民不擾而事集時戶部尚書韓文洪洞人年八十餘家居謝客非其人不與見乃安車抵郡謁謝曰老人無所求強為百姓一行陞本省參政

閔槐 任丘進士正德九年知府祀名宦

聶豹 永豐進士嘉靖二十一年以御史補知平陽府政尚廉明尤急教化諭諸生以先行後文凡所注措不規於常調得之理學者為多祀名宦

王楠 德州衛進士嘉靖三十四年知府改晉山書院為三太守祠祀南昌徐鐸京衛李琮任丘閔槐顏曰親賢堂以三太守有德于民也

毛愷 浙江進士嘉靖間知府懲奸剔弊吏畏如神旋陞本省參政累官刑部尚書謚端簡

劉衍祚 洛陽進士二十四年同知時南北俱用兵謀求百出其冬河東地大震城市為墟不逞者聚眾為亂遠邇驚駭而郡守及各屬令俱先期入覲獨衍祚代篆開誠布公明法飭令緩刑薄稅築城修廨慎守封疆轉危為安復開樊家河為永利渠築石堰障水溉田數十頃為百世利郡人特建生祠于北關外

周鼎 宜興進士萬曆四十二年推官嚴禁餽送有清操累陞河道尚書

傅淑訓 秀感進士四十三年知府持已廉正歲荒煮粥濟飢又嘗纂修郡志陞本省學道歷官戶部尚書

萬一本 全椒選貢四十八年通判屢署州縣皆得民心去之日凡所經州縣遮道扳轅祀名宦

張維世 太康進士天啓二年知府公正廉潔密訪絳州黨惡數十人剪除之府衙內舊引樊家河水為蓮池維世嘆曰以此供賞翫得無妨民灌田乎遂涸之民得其利陞本府巡道累陞宣府巡撫

劉餘祐 字玉孺濱州人宛平籍進士五年知府端毅仁  
慈持守狷潔時有知州餽黃金觀音者嚴絕之  
陞河南叅政遷本省布政趙曲鎮有遺愛生祠

劉士璉 泰和進士崇禎四年推官慈祥愷悌多所平反

王喬棟 雄縣進士六年知府祀名宦

常克念 登封進士十年推官寬厚簡重為政持大體聽  
斷無冤分校稱得士

程世昌 光山進士十五年知府率屬以正馭吏以嚴陞  
池太道

國朝張尙 奉天監生山陰人順治二年知府揮霍長才精  
於吏治文移皆當堂閱批吏胥不能點竄一字  
陞其肅巡撫

徐來麟 奉天人五年知府才能應變御眾有方姜瓖之  
叛分遣賊首平德攻平陽不克陝西武弁王老

虎據延安應之渡河攻破汾州遂圍平陽攻七晝夜來  
麟同巡道王無黨副將范永宗嬰城固守突出銳師擒  
賊劉明光斬之一夕賊昇雲梯過濠謀登城敵臺中矢  
砲交發賊眾稍却會大兵至賊潰走遣兵追擊之斬叛  
首劉四享於峪口村餘寇悉散

張增寅 桐城貢士十三年同知才氣不羣軍政肅清佐  
郡之傑出者

程先達 景陵籍舉人休寧人康熙四年知府為人寬厚  
政尚平恕民以不擾

劉儀恕 涇陽舉人七年知府重修義士橋以通行旅三  
太守祠年久頽廢拓其規模創前後二所中祀  
三太守考拔合屬能文士肄業於內分卷校課人文蔚  
起取科第者甚眾

袁國梓 華亭進士十二年知府素負才名蒞政勤民至  
今思之

石文晟 奉天監生三十年知府值闔郡奇荒流亡之狀  
繪圖難盡文晟申請 題達辭旨懇惻又廣設



粥廠遴官董其事其遠不能就食者親為按視戶給升合飢民得延殘喘時禹門造船河南運米憲檄平陽協濟所費不貲民困已極次年大同養馬派運穀草三十萬束文屨隳然曰民不堪命矣遂馳謁當事泣陳平屬偏苦狀聞者動容事乃得罷其賑荒免草兩詳傳布民間至今感泣

王輔 奉天人三十三年知府先任黃州吏治精敏綽有聲績調平之次年循資已陞天津道奉

旨留任值平陽地震城郭廨舍盡圯好民乘變劫掠輔痛懲之乃止嗣

上發帑遣官修理輔實襄其事焉

甘國璧 奉天廕生三十八年知府存心仁恕任事精勤上下相安民受其庇未幾調寧波府

秦棠 奉天監生四十年知府先任臨汾縣實心愛民以潔清自勵積弊革除殆盡民甚戴之以他事降調

百姓叩 閩歷陳治績特擢太原知府民懇留改陞本府知府

臨汾縣

明丁憲 棗強人洪武初知縣政績見彰善錄祀名宦

蕭韶 龍泉人洪武初縣丞政績見彰善錄祀名宦

徐彪 語具本府同知條下

劉濬 臨川人永樂初知縣守身廉謹政平訟簡吏民不敢欺以績最陞湖廣僉事邑人思慕之

張廉 字惟清咸寧人永樂間舉人入太學三年以才中時用選刑部照磨改臨汾縣丞佐治有聲調蒲州

判官陞本州知州

王循 會稽儒士于川初教諭誨人有方時邑中科第最盛

李伸 三原進士弘治間知縣王府軍校肆橫至殺人前令莫敢治伸至悉寘之法境內肅然擢御史

辛珍 耀州舉人嘉靖六年教諭富於文學教士有方歷陞河東道僉事

董珊 膚施進士七年知縣質直好義有古循吏風

趙統 臨潼進士十五年知縣性素剛直一切請託饋遺俱絕豁里書飛詭之積弊免闔邑荒地之徵輸嚴

脩農之禁立社倉之法使民有無相通流移復業者千餘家作社學修文廟改明倫堂建尊經閣以至師生之舍處凡數百楹復薄正祭器課訓生徒葺邑治毀淫祠

新帝堯之陵其餘善政甚夥陞知蒲州邑人立遺愛碑

郭玳 狄道舉人二十五年知縣秉心廉靜蒞政公平有邑人為鹽法事欲撓法私賄千金玳輟食題壁曰

惟士之廉猶女之潔苟有一點之污將為終身之缺不受陞本府通判

孔鯤 安肅歲貢四十年教諭學富才優訓士有方署象不染

陳萬言 錦衣衛進士隆慶二年知縣時通利渠壞萬言復修之均其水利又東關舊有水門豪強堵塞

萬言開之士民題其門曰泉通門萬言號遇泉從其號也陞蘇州同知

邢雲路 字澤宇安肅進士萬曆十四年知縣值歲大祲歲亡載道雲路禳蝗禱雨賑饑瘞骸竭誠盡瘁

興學育才恤孤理冤築千金堰以興水利開永豐渠以防水患修輯邑志議正四禮建惠民局於四門創生園

於驛地為政五年政事文章俱堪不朽士民戴德立祠澇河上

王榮誥 華州舉人十七年教諭素負文名教士一遵蘇湖遺法祀名宦

周文斗 沂州進士崇禎元年知縣時東西山盜起河西一帶殺擄無虛日郡城無兵衛指揮王章率武

生快壯衛軍征勦不克文斗守禦甚嚴賊不能犯士民戴德為立祠祀之

國朝王承露 益都進士康熙二十三年知縣釐奸剔弊潔已奉公不肯諂事上官有古強項風吏民畏而懷之革除雜派自承露始奉 欽取

賽璋 靜海衛進士二十六年知縣慈祥愛民鎮靜率物廉潔自持前任王令以才能著稱興利除害為本朝第一璋一循其治不事紛更民甚德之行取部曹後為本省學道

秦棠 語具本府知府條下

趙鳳詔

武進進士四十年沁水知縣以才能調繁本縣精明強毅肆應弘通而操守尤為嚴潔會

大駕西巡召見勞問賜書予金尋特陞太原知府

襄陵縣

明周郁

字文盛濟南人洪武三十一年知縣律已以廉為政以寬賦役均平詞訟簡少民德之陞渾源知州

丁璉

鄆陵舉人宣德五年訓導重修文廟教誨有方陞翼城知縣

楊志學

河南舉人正統九年教諭操履清慎訓誨勤篤嘗從薛文清公講明理學甚得其淵源蒞教八

年而卒家貧無以斂殯學徒權厝城外僧舍文清過而哭焉後其子御史徽以公歸葬

張元

陝西舉人天順四年教諭以詩學傳授生徒勤於訓誨科第稱盛後陞國子監博士

薛驥

字德良華亭舉人成化二年以監察御史出知本縣慈祥愷悌為政簡易百姓便之後以不附權要

見沮當道解印綬去

謝謙

字守遜章丘舉人七年知縣勤謹有為曾蒙旌異

張籛 字用和歷城進士十二年知縣政清訟簡吏畏民服百廢俱舉大振學校甄陶士類縣俗故偷葬籛華之以從厚十六年以持身廉謹牧民有方擢御史

李咨 故城進士十八年知縣為政廉平吏事明達嘗置二牌書民善惡於上以示勸懲民皆化之甲辰歲凶煮粥食饑全活者甚眾纂修縣志增祀鄉賢擢御史

張文佐 西平進士二十二年知縣政教嚴明清譽尤著吏民憚其風采不敢少欺行朱子社倉之法使

民足食嚮義又立會招徠客商貨利滋殖趙曲有灌田水渠歲久湮塞築堤疏通民霑其利文廟祭器易瓦以錫走遞馬疋躬視肥瘠五載之間民訟簡少獄無繫囚上司廉其行能以古循吏方之陞戶部主事

張賢 祥符進士弘治七年知縣秉心剛毅用法不撓擢慶陽府同知

李高 虞城進士十年知縣清勤剛明他郡難決詞狀胥以取平政暇召集生徒親校課業創置汾橋開通

山坂百廢俱舉旌善懲惡今行禁止在任五年獎勞者五旌異者四士民頌其德政四十餘事以政治第一擢御史

張雲 信陽進士十五年知縣平易親民一時循良稱首官至戶部尚書

王庚 灤州進士嘉靖十年知縣存心愷悌政行廉平民愛戴之官至左布政

何思 雄縣進士十三年知縣青年司民社練達老成培養學校邑中有巨惡前官卒莫敢詰思殲之政治嚴肅人不敢干以私良善賴以安全累官都御史

高節 咸寧進士十六年知縣廉以自飭嚴以戢暴體悉民瘼備極慈祥省里甲均賦役絲毫不擾於民居

常不聞敲朴而民卒不忍欺幾至無訟擢南戶科轉河南知府 以上俱祀名宦

黃鉞 興濟人嘉靖間訓導純篤清慎

劉希召

衛輝舉人十九年知縣修城垣建城樓人共稱之

白景輝

安平人嘉靖間教諭存心光大

趙希益

樂安舉人二十八年知縣崇葺學舍展拓城垣士民均賴

張紹芳

崞縣舉人嘉靖間教諭誠實有守

孫倌

安化舉人嘉靖間教諭學問該博

張國彥

邯鄲進士四十二年知縣廉慈而能持重政先本源以科條飭民俗以忠孝振士習修學校勸

宋之韓

武安進士四十四年知縣有才有守朝夕自奉皆以俸易招復流亡開墾灘田民咸德之審編

速而且公

邑有指命圖詐者核實不少貸刁風頓息勾差無擾獄訟不留加意訓士學田三十畝為會講之需

啓聖鄉賢名宦祠各改建縣鎮城垣次第修葺祀名宦

丁由義

泗水歲貢四十五年縣丞朴實廉介甘澹泊撫恤小民備極慈愛署篆曲沃有能聲以清苦卒

於官棺衾無所備知縣宋之韓代為之縉紳駭悼百姓涕泣請祀名宦

史敬思

字直卿棗強進士隆慶二年知縣性行沉毅潔已愛人邑有豪猾不法者按治如律紀綱整肅

吏民畏服行取御史歷任少卿

錢節用

四川進士萬曆五年知縣胸懷磊落氣宇恢弘

蕭大才

字左溪堂邑進士七年知縣美政多端東關築堤以禦水患尤為百世利賴

陳昂

字典伯莒州進士十二年知縣正直端亮會文課士凡邑中科第皆其造就者

許儼

靈寶人萬曆間訓導忠直不渝

李之芬

字德馨西平進士二十一年知縣撫民以仁接士以禮擢戶部主事

房壯麗

字咸甫安州進士二十七年知縣寬恕潔廉和平敦大人預期為公輔官至冢宰有去思碑

楊作楫

字夢符蓬溪進士三十八年自聞喜調知本縣節費甦民編審尤協輿情有神君慈母之稱官

至山西督學道

馬逢臯

字雲麓三原進士四十一年知縣才能優長案無留牘興大利除大害有如轉環修書院以育

人才成晉橋以通路塗興水利以灌田畝皆其卓然政績載在碑記祀名宦

寶鎧

平定州舉人萬曆間教諭儀表端整文翰優嫻

衛先覺

字善則韓城進士天啓元年知縣修文講藝崇儉維風創建橋梁永利來往殊費苦心擢吏部

主事

薛所蘊

字蘊空孟縣進士崇禎二年知縣興學造士剔蠹鋤奸士民方有起色值流寇犯境所蘊率鄉

兵力禦登城旬餘夜不安枕繼復崇墉濬池練兵修堡為久遠計暇即衛文督課一時科名鼎盛行取北上邑人莫不淚下因立祠河干以永遺愛仕至禮部左侍郎祀名宦

蕭譜元

字賡籟永城進士十一年知縣廉正執法謝絕竿牘凡可以為民請命者俱力任之興復水利

敦崇學校其功尤著焉

李用質

濟寧進士十四年知縣慈祥愷悌無赫赫之名而臨事剖斷綽有餘裕值歲稔設廠煮粥全活

甚眾歷官兵科祀名宦

國朝馮勸

諸暨舉人康熙二十七年知縣和易近人暇日與諸生講學課藝文章政事獨擅一時三十年行取御史特疏免平陽府屬往太潞澤沁挖運米豆至今士民戴德

譚東生

武進進士三十七年知縣重建明倫堂鎮汾樓及修南郭長堤士民稱之

洪洞縣

明楊茂

洪武三年知縣修廟學建縣治并各解舍橋梁為政深得民心

謝鐸

邠陽舉人洪武間教諭秉心正大教誨多方科目之盛始此

李英

長安舉人洪武間教諭剛方清介文學優長勤於訓迪

王坦

和州監生建文元年知縣惠政及民尤善決獄

王或

開州人正統六年知縣有善政縣田多有被水患者或悉查申得免租稅祀名宦

尹鑑

雲南大和舉人景泰四年知縣潔已愛民紀綱整肅吏畏民懷陞萬泉都司斷事卒于任歸葬洪洞

王峯都塚碑尙存

程章

保定人天順五年知縣修惠遠橋有功於民

賈琰 韓城舉人弘治二年知縣資性朴實持身清介任法不畏強豪去後人猶誦之

楊光澤 沂水舉人知興縣四年以才調本縣廉明寬恕御下有方百廢具興四民安堵陞忻州知州興縣祀名宦

邢昭 三河進士十年知縣居官清慎吏民有相訟者以理義曉諭之令自省改實心愛民拳拳以耕織勸導修飭學宮待士以禮祀名宦

魏濟民 韓城人正德二年縣丞正直不阿勇敢有為陞夏縣知縣

劉景沂 長清舉人正德間教諭文學博洽長于詩詞中辛未進士授無為知州

浦鉉 登州進士十三年知縣刑清訟簡政教兼舉擢御史按陝西上疏乞釋楊爵獄逮繫至京廷杖厥之後詔復原官仍恤錄以旌其忠祀名宦

魏瓚 涇陽舉人任教諭日聚生徒勤於督率陞安邑知縣

安泰 內黃歲貢任訓導通經傳大旨聚徒講解

胡肱 宣府衛監生任縣丞氣度可觀才亦有為

楊澤 鄆縣舉人任教諭手標凝重條教嚴明講學較文根抵理要山東河南聘校秋闈俱稱得人陞翰林院孔目改嶧縣知縣

鄭璇 陝州歲貢任訓導善自持守不肯俯仰因人陞真寧教諭

馬瓚 掖縣歲貢任教諭寬大和厚操持素謹

郭通 高唐州歲貢任訓導寬弘厚重訓士有方陞吳堡教諭

孫巨鯨 徽州進士嘉靖二年知縣心性淳良政多惠愛重開濶源渠灌溉八村迄今民受其利歷任戶



部郎中

姚時中

咸寧舉人五年知縣持身修謹政務平易民多懷之善草書尤長於詩

楊灌

臨城監生嘉靖間縣丞儀標豐偉才具老成註誤去官人多惜之

張世翀

武功監生嘉靖間主簿性敏多才克盡其職

王汝衡

鄧州舉人嘉靖間訓導坦易正大學問該博先會分校山西鄉試陞樂城知縣

周航

無極歲貢八年縣丞催科不擾民懷其惠

董九川

青縣舉人嘉靖間訓導貫通經史文思古雅尤善陶鑄多士陞垣曲知縣

楊鉞

涿州舉人十一年知縣純實寬慈去之日行李蕭然抵家設教自給士論高之

張楫

真定衛選貢嘉靖間教諭問學深遠文字蒼古仕終王府

陳諫

莒州歲貢嘉靖間訓導謙謹弘博士多造就陞汝陽教諭

蔡淇

宣府衛歲貢嘉靖間主簿學邃有守

咎如思

字子學三原進士十五年知縣練達老成行法不貸權勢摘伏如神邑有克悍亟剪鋤之境以大治且善作人文風彬彬以雅化稱祀名宦

楊九澤

華陰進士十八年知縣明爽真率撫恤仁慈行取御史言事謫臨晉縣丞陞聞喜知縣歷任河南僉事

南僉事

周南

鄭州監生嘉靖間縣丞小心勤謹學問博通

李蘭

乾州人嘉靖間典史誠實無偽律例詳明

陳宗仁

濰縣進士二十二年知縣持守廉潔愛民慎刑不近豪勢築堤護城拓倉廣備欽取至京卒

許應龍

肥城吏員嘉靖間典史有才幹境中巨盜剪滅畧盡

王業

蒲城舉人二十九年知縣才智明達斷訟得情催科不擾始修邑志陞懷慶通判彌勒知州

李朝陽

白水歲貢嘉靖間訓導講解明悉談文切理

張守蒙

滕縣進士嘉靖間以御史左遷石州判官三十年陞本縣慈良多實政士民感之累官長蘆

運使

程鸞

寶雞監生嘉靖間縣丞守已清廉事上御下有能聲陞宣府經歷人以爲屈

唐世臣

鞏縣歲貢嘉靖間訓導束脩不責寒素多感之

楊起元

樂城進士三十九年知縣才識明決事多練達行政撫民嚴而不苛敷文造士厚而有法祛盜境賴以安催科民不知擾陞兵部主事歷任副使

李與善

長清進士寧津知縣四十三年以才調本縣器量渾厚有才不露守已貞廉實心愛民大得衆

志陞兵部主事歷任山西副使

符載

內鄉舉人嘉靖間教諭敦厚純溫博通經史推遠到之器陞館陶知縣以忤當路自投去士論高之

匡鐸

膠州進士涑水知縣隆慶元年以才調本縣丰姿俊雅才具優長剖決如流裁處各當政尙嚴厲吏

多悚畏後陞戶科歷大名知府

黃堂

懷寧人隆慶間典史勤謹任事修城有功

王詔

博野進士三年知縣才識明敏優於聽斷操持耿介修葺城樓陞刑部主事

熊鑑

光州進士長治知縣萬曆元年服闋除本縣諳練事宜洞徹積弊修羊獬橋行保甲法講鄉約嚴禁

羣吏紀綱肅然陞南京兵部主事

南兆 濮州進士五年知縣性資溫厚政事優容理訟多協民情後陞延安同知

孫必達 樂陵選貢完縣知縣左遷本縣教諭學問優長才識明敏為文切理課士有方署篆襄陵練達

政務善決民情政簡刑清節財省費居未數月民多悅服陞靈石知縣

喬因羽 耀州進士八年知縣仁慈精明重修學宮特建魁星樓纂修邑乘立社倉積穀賑饑審編清糧

永免賠累買馬省民千金捐俸建公署于楊曲鎮種種德澤迄今追誦之欽取兵部主事記名宦

胡三省 沙河進士陽穀知縣十三年調本縣敦厚惠愛美蹟班班有循良之稱前令修縣志未成三省

終其緒

李炳 盧氏進士十六年知縣美政多端特創尊經閣人文蔚起士民追思不衰

馬從龍 安丘進士二十一年知縣持躬端方器宇鎮靜條編錢糧四季徵收至今闔省永為定式取嚴

一介獄折片言有清獻秀肅之風

駱任重 塾江進士三十一年知縣儉朴自持每事執法而多所平反潔清之操湛若水壺時人稱范叔

度趙清獻再見陞鄖陽同知

蘇慶龍 霑化舉人萬曆間教諭才質粹穆丰致爽藹多士如坐春風中

方應明 光州進士壺關知縣三十五年調繁本縣異政多端有神君之稱興利除害不畏疆禦作養學

校尤其倦切特拔八士授經課藝咸登科第時號八俊集有作人錄一時傳誦士民建生祠立去思碑

李禎宁 號敬軒虞丘進士三十八年知縣為政得大體愛士課藝藻鑑不爽決獄執法不阿權勢剔弊

如神吏胥凜凜時有豪右結黨武斷不憚法令被害者含冤不敢伸禎宁廉知穢迹治以極法克徒屏息善類

以安萬民快之累陞山西兵備副使得軍民心致政旋里遇變竭力守城城陷殉難虞丘立祠祀之入名宦

許台儁

初縣舉人萬曆間教諭氣岸軒昂識解優異立社課藝不蹈庸腐之習

馬鳴世

武功進士四十四年知縣政尚寬平建立社學興起人文南澗故有河堤累被衝潰督工修築

高厚倍之更壘以石北葺惠遠橋通水利便行者人皆感之

李若梓

南充進士天啓二年知縣政事原本經術恩威並用待士以禮撫民以仁革火耗蠲贖緩弊絕

風清陞主事

趙京仕

城固進士五年知縣興學愛士創登瀛書院於玉峯觀課文較藝人才蔚起士民懷德於迎薰

門外建生祠

高厚

長治舉人天啓間教諭秉性淳朴制行清端文章力追大雅允為多士之式

袁葵

東明進士崇禎六年知縣清而且明治煩理劇案無留牘言笑不苟一時狐鼠斂迹

楊天精

虞城進士七年知縣吏治幹練立社育才建橋利涉卒於官士民懷之

國朝金貴

奉天人順治六年知縣平易近人壬辰大潦澗水暴漲幾浸城郭脫衣禱神水遂降

徐之燧

山陰人順治間縣丞器宇春溫處事犀利勤慎有守佐理之傑出者

趙三長

繁昌貢士十三年知縣以清儉自持利弊多所興除學宮公署城池橋堤盡力經營政事之暇

肆力於古文詩賦推重一時

王鎮寰

平順歲貢順治間教諭嗜古力學朝夕不輟訓士得體修學有功

胡騰鳳

順天貢士十八年知縣老成持重溫厚和平卒於官民共懷之

邵琳

餘姚舉人康熙十二年知縣慈祥愛民重修邑志以老乞休

萬錦雯

宜興進士康熙間縣丞藝苑著名遷客中之賢者陞廣宗知縣

鄧嶺 京山舉人三十一年知縣性資質實持守廉慎節財愛民不事敲朴有召杜之稱立社課士邑中科第蟬聯不絕皆其力也

浮山縣

明徐秉燹

杞縣人洪武初署縣事重修縣治

趙思義

杞縣人洪武五年知縣增修堂廡

賀琳

宜君人洪熙時縣丞贊政不苛常捐俸備禮勸富民助償逋稅自是流移復業及憂去民饋贖不受泣送者至數百人

王磐

沂州人宣德初知縣蒞政廉能鯁介不屈遇旱齋戒自責徒跣拜禱得雨而後已及去民攀留泣下

王綸

開州進士成化間知縣作興士類愛民如子嘗刻表忠勸學二錄令民誦讀以勵風俗後子崇慶任

山西副使祀名宦

羅端

鄧州舉人弘治間知縣廉明仁厚遇歲荒曲加撫字賑濟有法民賴以蘇卒于官士民莫不垂涕為

之罷市祀名宦

趙資隆 巢縣人正德間知縣為政持大體民有不葬其親者論以不葬其風遂變

許安 龍門衛人嘉靖十一年知縣重修縣治纂輯邑乘功不可泯

毛述古 滑縣舉人二十二年知縣重建城門便民出入

吳增光 蓋厘舉人隆慶間知縣疏通西城水道有功於民

左桐 密雲歲貢萬曆二年知縣建明倫堂以興文教

奚子厚 白水人萬曆間知縣吏治卓異世共推之

劉伯綬 歷城舉人萬曆間知縣善政甚多民懷其德

趙應斗 雞澤舉人四十二年知縣廉明有善政

陳崇儒 呈貢舉人萬曆間知縣讞獄平允他處難決之案俱藉審理至無虛日歷陞秦州道

李乘雲 高陽舉人崇禎間知縣清剛英毅有文武才流寇數萬逼邑城乘雲善射一發殪賊渠魁賊遂

退城賴以全行取入京尋陞本省兵備道轉河南大梁道駐禹州十五年闖賊陷城下令屠城日何砲傷我多

人乘雲曰發砲乃本道所命於百姓何干賊隨止脅之降厲聲曰本道朝廷命官豈向亂賊求活耶賊怒磔之

河南祀忠臣廟

國朝安應耀 奉天貢士順治六年知縣方正有重望慈威兼濟姜瓖變後餘孽盤踞東南鄉百姓苦之

應耀推心招撫遣千總秦文英鄉耆張三鳳抵賊營開諭順逆降賊眾八百餘人賞其偽遊擊李元標等六人

銀幣安插得所境內悉平仍請蠲除荒糧數千石殘民賴以頓蘇縣治為賊所燬經營締造視前有加焉

楊名世 商城舉人十四年知縣綜核敏給周知民情好微行每夜出見縱飲博戲者輒拘治之盜賊屏

息復大新學校立社館養士呼字而不名士風因以丕變

羅博 鄭州進士康熙七年知縣以風節自持懸令與百姓約但所告訴與所爭之事不合者即反坐民畏之訟獄衰息一境肅然闢間館於公署之左暇日課士文運頓啓則其力也

太平縣

明白原善

洪武初主簿建置公廨壇廟政績昭然

沈士廉

蘇州人洪武間知縣拓地建學士林感仰

袁景

甘泉監生洪武間主簿貧能自守隆冬單衣視事有小吏夜持緼袍遺之辭弗受詰旦諭衆痛懲之

自是奸頑斂迹在任七年一介不取擢江西道監察御史祀名宦

李澣

定州舉人成化間知縣聽訟明決民有積冤不伸者悉得其情時號神君陞鳳陽通判

尹瑒

秦州進士弘治間知縣立法嚴明強暴不遜者悉鋤治之愛民教士有古循吏風祀名宦

龔進

高安進士正德間知縣剛明有爲築城鑿池境內恃以不恐

耿儒

武功舉人嘉靖間知縣剛介明察吏不敢欺捕緝有方幾於道不拾遺增學校砌城堞兼新壇壝橋

梁等處士民懷之陞廣平通判祀名宦

張一誠

壽光舉人嘉靖間知縣繼陝西張拱北為政時稱前者為昏張後者為清張

鄒學書

寧晉監生嘉靖間知縣修文中子祠立社課士至今有遺思焉

劉廷芝

唐縣舉人嘉靖間知縣吐辭爾雅愛民以德不媿循良

楊橘

華州監生嘉靖間主簿賦性慈祥時以活佛稱之

羅潮

三河舉人嘉靖末知縣裁供應之規革夫役之冗士民安堵遠邇稱賢陞磁州知州祀名宦

牛思牧

清河舉人隆慶初知縣沉毅有為遇荒治盜民賴以安陞兵馬指揮

武成

寧州舉人萬曆初知縣修舉廢墜稱能吏調盧龍祀名宦

胡璉

城固舉人萬曆間知縣才具明敏丈地均糧人莫能欺陞河間通判

周諏

延津歲貢萬曆間知縣秉心仁厚毅然有守

侯于魯

渭南舉人萬曆間知縣才幹素裕請寔民情建清儲鎮民共賴之陞保德州

衛先範

韓城進士萬曆間知縣禁奢崇儉丰采可欽以才調繁洪洞

趙京仕

城固進士天啓間知縣嚴飭內外法度肅然以才調繁洪洞

李喬崑

高陵進士天啓末知縣慈不姑息廉不矯激以才調繁洪洞

魏公韓

黃岡進士崇禎間知縣以文章名海內廉明歷練邑有伯益祠墓居民侵占幾至漫滅公韓清

出重為修理又增建磚城殺賊有功士民思之不衰為立生祠祀名宦

國朝何迥秀

真定舉人順治二年知縣仁心為質課士有成

孟繼昌

奉天貢士三年知縣清白自勵真古之廉吏陞寧羗州



程衡 奉天貢士九年知縣才力超羣積進一清行取御史

盧易 惠安進士十三年知縣秉心愷悌緯以儒雅崇修文廟學宮為士林山斗行取禮部主事

何煒然 臨海舉人康熙十年知縣為政以惠和稱蝗不入境禾生三穗修文中子祠有振興文教之功

吳軫 武進進士十二年知縣治邑九年精敏勤練迺如一日澹泊自奉留心民事纖細不苟若審戶清田

房稅諸務俱不漏不苛建堂築堡費半功倍吏民咸畏愛之陞德州知州

趙城縣

明凌文質 洪武初縣丞重建縣署學校功成而民不擾祀名宦

楊瓚 蠡縣進士宣德間知縣徙建治解以避水患愛民如子常設處綿花給民織布記其姓名收庫及起

運各以原布輸糧事簡民安歷江右布政祀名宦

何子聰 吳橋進士正統間知縣建城創廟體悉民情政聲丕著尤善大書至叅議祀名宦

張傑 鳳翔舉人正統間訓導學精五經教化四維士習為之一變祀名宦

向明 巢縣舉人弘治間知縣持已廉靜蒞政公平禮士愛民興利除害有婚喪不給者捐俸助之卒于任

老幼悲泣祀名宦

黃直 直隸進士以編修正德間謫教諭廉以持已勤以教人始終不衰至今士林景仰祀名宦

趙元凱

商州監生嘉靖間主簿牧愛百姓有去後之思

強自省

鳳翔舉人嘉靖間教諭建鄉賢名宦二祠修講堂號舍造祭器立科第碑秉性剛直課士不怠署汾西遺愛在人陞芮城知縣轉通州知州

賀國定

獲嘉舉人四十一年知縣恪守官箴政平訟理愛民課士弊革風清訂釐誌典有神名教建鐘樓鑿泮池開渠築堤其益良多

王念

整屋舉人四十一年教諭纂修誌書嚴于課士陞順天教授

竇經

岐山貢士四十三年教諭纂修縣志及各廟橋梁碑記

趙田

萊陽人四十三年主簿刊誌書造祭器有益學校

史紀勳

祥符舉人萬曆間知縣汾水浸城督築底績且修堤堰禦水城北重修永鎮橋

董厥修

長清亞魁萬曆間知縣居官一塵不染始終如一體悉民情加惠學校釐正祀典凡學宮公所多所修理增建董家渠于城北引汾水灌田數百畝民多賴之去之日行李蕭然士民服其高致

李應聘

乾州舉人萬曆間教諭文行兼優課士有法後歷陞隰州知州

鄭國勳

葉縣舉人萬曆間知縣蒞政嚴明奸宄屏迹洪民告績霍渠陡口侵奪水利爭之獲止

湯之相

廣濟舉人萬曆間教諭問學淵深尤長于古文詞邑中文風為之丕變甲午順天丁酉河南兩聘房考陞國子監助教累官黎平知府

張如鉦

隆平舉人萬曆間知縣銳意吏治弭盜有法陞解州知州士民立生祠祀之

郭峻

通渭舉人萬曆間知縣平易近民人心悅服丁艱去百姓泣送之歷官知州

朱時麟

南和選貢萬曆間知縣清廉振俗疲敝一新申裁鹽引與民蘇息洪民告奪水利力爭之獲止

至今民頌德焉

劉四端

息縣進士萬曆間知縣愛民課士剔弊釐奸紀綱肅清裁革霍渠冗費民間歲省千金甫二年

李維標

京山進士萬曆間主簿學問淵邃勤以課士古有通利渠臨民告奪水利力爭之獲止有生祠祀焉

張大行

蒲城舉人萬曆間教諭歷俸六年苦節自持懇勸課士陞寧鄉知縣霸州知州

秦樂天

唐縣舉人天啓間知縣蒞政平和與民相安丁艱去補任封丘擢台州同知

張翰

太谷人崇禎間教諭愷悌作人多士咸服離任日勒石誌之廣文之有去思碑自翰始也

孫份

沁水舉人崇禎間知縣築城南障水堤一道用磚石包砌縣城東西北面增高五尺鑿池深一丈邑人立德政碑

李承謙

葉縣人崇禎間典史服官清廉時流寇犯境卒保無虞士民德焉

國朝秦嘉兆

奉天人順治元年知縣時大亂初定招撫流移肅清衙役均平差徭纂訂誌典開南路以廣通衢設學田以惠多士捐俸建修中鎮廟暨簡子祠政美人和百廢俱興甫一年擢本府知府歷江西左布政祀名宦

胡仁

餘姚人元年典史才優而有守重開通利渠督修護城堤其功甚偉發奸摘伏卓有能聲

田起龍

奉天生員三年知縣剔弊除奸恤民愛士大兵經過調御多方築堤護城修橋通濟士民頌之

趙祥星

奉天貢士五年知縣英明仁慈吏畏民懷歷陞御史

安錫祚

章丘進士十二年知縣體恤民隱周知疾苦嚴城守清保甲除火耗均賦徭蠲贖緩每月課士經藝文風丕變捐俸修學宮暨文昌閣諸正祀神祠訂修誌典俱有裨名教奉 欽取邑人思之

丁大年

大同舉人十三年教諭篤嗜古學正身率士復能捐資修學

岳陽縣

明陳宗哲

歸德舉人洪武間知縣招集流亡改科田稅民樂歸之

姚顯

順天舉人弘治間知縣勤政愛民吏胥畏服祀名宦

元思永

湯陰舉人正德間知縣重修學廟煥然一新師生多賴其惠祀名宦

任繼宗

蒲臺人正德間教諭祀名宦

周冕

貴州貢士嘉靖間知縣政績甚著祀名宦

李應奇

鎮原進士嘉靖間知縣有惠政祀名宦

國朝李丕先

長山進士康熙元年知縣鼓舞學校勸課農桑陞建昌同知民立書院以祀之

趙時可

涇縣進士十四年知縣清風介節訓士愛民甘棠遺愛歌咏勿替

王勗陸

萊陽舉人三十七年知縣蒞任初適奇荒之後多方撫字殘黎得以再生仁風善政至今稱頌

行取刑部主事

曲沃縣

明傅榮

洋縣人永樂間知縣以剛明著聲

吳佐

西安衛舉人天順間教諭動守禮法綽有師範以憂去補稷山教諭著大學經傳元編人多傳之

劉瓊

咸寧進士成化間知縣廉以律已仁以愛民疏通水利巡行阡陌間教民耕獲戶栽桑棗三百株招撫流移復業者凡數千家積倉穀葺齋舍復立社學督民行冠婚喪祭禮著勸民直說童子小學使其知孝弟忠信之道為政八年民到於今思之祀名宦

姜實

字若虛蒲城進士弘治間知縣謹慎清介勵冰檠之操嘗有句自矢曰行事難逃天地鑒立心不畏吏民知後擢御史巡鹽河東值歲饑撈鹽數百萬引抵入田租又賑活饑民萬計

周雲

徐州舉人弘治間知縣公正廉介吏畏而民服

何鳴讓

高苑舉人弘治間教諭性清潔泊然無所營講學課藝無間寒暑士之貧乏者百計資之俾其專精肄業與諸士同宿學舍每夜二鼓督讀益力嘗教以修己治人之道不沾沾為溫飽計甫二載卒于官諸士如喪考妣祀名宦

葛禴

錦衣衛進士正德間知縣鋤強抑暴豪猾遠迹磚甃城堞功著保障陞御史終光祿卿

侯秩

長垣進士正德間知縣律身嚴重喜怒不形於色興禮正俗救荒止暴民甚便之嘗於退食時召諸文學為疏經史與義夜分不倦一時學者仰之如山斗祀名宦

李暹

字德進滑縣舉人正德間知縣葺學宮以作士氣毀淫祠以禁異端敦儉素以杜奢靡嚴斥堠以遏盜賊儲蓄倉糧殆至萬數疏通獄囚囹圄幾空作勸民十二事刊布簡明直要切中時弊申代辦銀兩十減四五立兩驛接遞之界正南北交界之坊至今遵之陞知隴州歷官叅議祀名宦

楚書

寧夏進士嘉靖時知縣性果毅長于應變字弱鋤強發姦摘伏如神吏畏民服四境肅然祀名宦

岳倫

懷安衛進士嘉靖間以行人改任曲沃撫民以寬馭吏以嚴人稱其仁義兼至時賦役日煩申免代辦銀兩三分有二民困始甦歷官郎中祀名宦

劉魯生

思縣進士嘉靖間知縣蒞事勤敏政多撫字初終罔倦始著邑志以備文獻行取御史

陰秉暘

汲縣進士嘉靖間知縣績學宏深雅意造士出所著讀書抄廣勵學者設立社倉勸民積貯以備凶荒居恒不見喜怒之色當官不為赫赫之名百姓愛戴若召杜焉行取御史祀名宦

張學顏

字子愚肥鄉進士嘉靖間知縣聰敏俊雅政尙嚴明地震修城不費里甲營繕公所俱由設處民不為病行取工科給事中歷官戶部尙書

劉彥

安陽進士嘉靖三十六年知縣先一年地震民間瘡痍未起彥天性淳厚一切務崇寬大而於黠者

輒扶其隱不至廢法祀名宦

郭庭梧

字子材新鄉進士嘉靖間知縣刑清政舉吏民畏服二驛衝要歲費不貲以站銀羨餘貸顧歲

省數千金沃代吉永徃歲若干力辨歸之民始得甦值歲饑捐俸賑濟存活甚眾修濬城池節力時使民不知勞陞御史歷官府丞

楊時寧

祥符進士隆慶間知縣立法周詳恩威並著政化大行其均丁糧差役貧富稱便百姓肖像立

碑陞吏部主事歷官兵部尙書

沈時叙

祥符進士萬曆間知縣發奸除暴政毅嚴明刑清政簡民服吏畏力任均田徧歷田野立表定

區清出欺隱若干通辦正供民間宅基墓域概行蠲免民力大甦行取御史

楊本古

漳縣人萬曆間縣丞居官勤敏案無留牘

何出光

扶溝進士萬曆間知縣軫念民瘼葺里甲供應諸項歲饑發粟賑貸設粥廠數十全活者眾後

疫作開局施藥成者葬之尤重學校朔望請學宮宣講經義諸生環聽如堵又立社課藝親為丹黃一時人文彬彬稱盛凡有營建民不為擾後陞御史以忤內宦轉太原知府祀名宦

曹種

寧鄉貢士萬曆間教諭賦性剛明規模嚴整後陞徽州學正去之日士子泣送不忍別

趙彥復

字微生杞縣進士萬曆間知縣有理繁治劇才以興利除害為已責減均徭募驛馬革堡官木

鐸老人禁子門夫諸役時歲被發粟煮粥多所存活纂輯沃史徵信傳疑成一家言堪垂不朽善政多端陞戶部主事祀名宦

周士樸

字纘唐商丘進士萬曆間知縣居官持大體不喜鈞距當聽訟時開誠布公齊色勸諭民亦感

其德教相誠不犯陞禮科給事中祀名宦

楊撫 蓋州人萬曆間縣丞剛明有為清操不染

張文光 祥符進士崇禎間知縣抱負卓犖義重君父大練鄉勇日較騎射蓋是時流氛蠢動四郊多壘

也祀名宦

項易 禹州貢崇禎間由河內訓導陞曲沃教諭嚴正敦重動止不苟陞沙河知縣城陷歿之

耿章光 館陶進士父山西巡撫都御史如杞天啓間忤逆璫下詔獄章光充家僮獄中侍父惟謹崇禎

間任曲沃剛方有為人不取干以私有廢必興有害必除尋以不媚調簡香河瀕行遺一聯曰解印空傳去害

馬移山何日是堅城旁註云沃爾大事光未竟其志望後之君子懸賓賓館民至今思之

國朝田一冲 內丘人順治二年知縣蒙城驛馬久為沃苦累一冲慨然釐正已還其半詳見祠碑

周鉞 莆田舉人康熙五年知縣均編審嚴保甲減募夫禁私派事載沃史



